

KJKP "VODOVOD I KANALIZACIJA" d.o.o. SARAJEVO
V.D. DIREKTOR
Izvod broj : 20/18 lot 1

Sarajevo, 31/08 2018. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, donosi se :

O D L U K A
o izboru najpovoljnijeg ponuđača

Član 1.

Prihvata se ponuda ponuđača: „Mexikal Impex“ d.o.o. Sarajevo, i ugovor za javnu nabavku: „**HTZ oprema (uniforme i odijela)**“ – tender broj 20/18 lot 1 dodjeljuje se ponuđaču : „Mexikal Impex“ d.o.o. Sarajevo, ponuda broj 49-06/18 od 25.06.2018. godine, za ponuđenu cijenu u iznosu: **109.620,00 KM bez PDV-a**, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču: „**Mexikal Impex“ d.o.o. Sarajevo** po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 20/18 lot 1 od 18.05.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 110.500,00 KM.

Obavještenje o nabavci broj 247-1-1-121-3-197/18 objavljeno je na Portalu javnih nabavki dana 24.05.2018. godine, a sažetak Obavještenja o nabavci je objavljen u Sl. glasniku BiH

broj 36. od 01.06.2018.godine i ispravka Obavještenja o nabavci broj 247-1-1-121-8-207/18 objavljeno je na Portalu javnih nabavki dana 04.06.2018. godine, a sažetak Obavještenja o nabavci je objavljen u Sl. glasniku BiH broj 38. od 08.06.2018.godine

Konstatovano je da je na osnovu Obavještenja o nabavci br. 247-1-1-121-3-197/18 od 24.05.2018.god., i ispravke za Obavještenje o nabavci br. 247-1-1-121-8-207/18 od 04.06.2018. godine koje je objavljeno na Portalu javnih nabavki, proveden postupak javne nabavke putem otvorenog postupka, te je izvršeno javno otvaranje ponuda dana: 26.06.2018. god. u 13:45 sati, a što je konstatovano zapisnikom sa otvaranja ponuda br. 20/18 lot 1.

Za predmetnu javnu nabavku dostavljena je ponuda ponuđača:

1. Ponuđač: „Mexikal Impex“ d.o.o. Sarajevo

Navedeni ponuđač je preuzeo tendersku dokumentaciju sa portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku.

Nakon izvršenog otvaranja ponuda Komisija je dana: 26.06.2018.godine, pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „Mexikal Impex“ d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponuda.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

Komisija konstatuje da ponuđač „Mexikal Impex“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponude ponuđača „Mexikal Impex“ d.o.o. Sarajevo, konstatovano je da je isti u Izjavi ponuđača, koja je sastavni dio Obrasca za ponudu – Anex II, Prilog 1, izvršio ispravku koja nije urađena u skladu sa zahtjevima iz tačke 17.1.5 tenderske dokumentacije „Ispravke u ponudi. Naime, u Izjavi ponuđača je izvršena ispravka datuma objave obavještenja o nabavci na Portalu javnih nabavki ali ista nije potvrđena potpisom ponuđača i nema datuma izvršene ispravke.

Izvršene ispravke nisu urađene na zahtijevani način odnosno ponuđač prilikom vršenja ispravki nije postupio u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“ koja jasno i precizno određuje način vršenja ispravki i to: ***„Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom***

izvršene ispravke, a sve prema članu 18. Stav (1) tačka m) Uputstva za pripremu modela tenderske dokumentacije i ponuda („Službeni glasnik BiH“, br. 90/14, 20/15).

Obzirom na navedeno, Komisija je utvrdila da ponuda ponuđača „Mexikal Impex“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) tačka i Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je kontaktirala da smatra da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba : „**HTZ oprema (uniforme i odijela)**“ – tender broj **20/18 lot 1** donese odluku o poništenju postupka javne nabavke.

U daljem toku postupka, od strane ugovornog organa konstatovano je da se neće prihvatiti preporuka Komisije za javne nabavke o poništavanju postupku o čemu je dana: 23.08.2018. godine, sačinjen Zapisnik u kojem je konstatovano slijedeće:

Uprava preduzeća je zaprimila Zapisnik o pregledu i ocjeni ponuda br. 20/18-1 od 03.07.2018.godine i Preporuku Komisije za javne nabavke br.20/18-1 od 03.07.2018.godine o poništenju postupka za nabavku roba :“HTZ oprema (uniforme i odijela)”, u kojoj se daje prijedlog Ugovornom organu da za predmetnu nabavku donese odluku o poništenju postupka.

Nakon sagledavanja cjelokupne dokumentacije u vezi postupka javne nabavke roba putem otvorenog postupka po predmetnom postupku nabavke, a naročito imajući u vidu pribavljeno Mišljenje Agencije za javne nabavke br. 03-02-1-25464-2118 od 27.06.2018. god. zatraženo je pojašnjenje ponude br.49-06118 od 25.06.2018.godine., ponuđača "Mexikal Impex" d.o.o. Sarajevo (zahtjev za pojašnjenje ponude br. 182 od 16.08.2018.godine.

Dana 17.08.2018 god., od ponuđača "Mexikal Impex" d.o.o. Sarajevo, dostavljeno je pojašnjenje ponude.

Članovi Uprave preduzeća su jednoglasno utvrdili da se u konkretnom postupku predmetna greška, ispravka datuma objave Obavještenja, koja je urađena bez potpisa ponuđača u Izavi ponuđača, ne odražava na ponudu, nego se radi o čisto formalnom propustu, koji se uz to ne odnosi na bilo koji od relevantnih elemenata ponude, koji mogu uticati na karakter ove nabavke (npr. cijena, rok ili drugi bitni elementi koji se tiču predmeta nabavke). Dakle, ne radi se o ispravci bilo kojeg podatka, koji bi imao uticaj na stvaranje bilo kakvih obaveza za ugovorni organ i nema uticaja na potpunost ponude.

Imajući u vidu značaj zaključivanja ugovora o nabavci HTZ opreme za uposlenike, iz svega naprijed navedenog proizilazi da ova greška odnosno propust ne utiče na ponudu, odnosno njenu potpunost, niti je bitno udaljavaju od zahtijeva utvrđenih u tenderskoj dokumentaciji. Zbog toga ugovorni organ, cijeneći Mišljenje Agencije za javne nabavke i značaj nabavke HTZ opreme za uposlenike , ne prihvata preporuku Komisije za javne nabavke.

U prilog navedenom mišljenju, da ugovorni organ može smatrati ponudu odgovarajućom, je i pojašnjenje ponude od strane ponuđača „Mexikal Impex“ d.o.o. Sarajevo, od 17.08.2018 godine, u kome nedvosmisleno potvrđuju ispravnost datuma objave Obavještenja 24.05.2018.godine.

Iz navedenih razloga Ugovorni organ nije prihvatio preporuku Komisije za javne nabavke, iz razloga što smatra je ponuda "Mexikal Impex" d.o.o. Sarajevo prihvatljiva.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) Zakona o javnim nabavkama

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego se se postupak okončao u skladu sa članom 69. stav (1) tačka b) Zakona o javnim nabavkama.

Vrijednost ponude ponuđača „Mexikal Impex“ d.o.o. Sarajevo iznosi: **109.620,00 KM bez PDV-a.**

Iz gore navedenih razloga, primjenom odredbi člana 64. stav 1. tačka b. Zakona o javnim nabavkama, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđač

- a/a

Muzur
Muzur



v.d. Direktor

Azra Muzur

Azra Muzur, dipl.inž.građ.